



UNIVERSITÄTS-
BIBLIOTHEK
PADERBORN

Sacrarvm Antiqvitatvm Monvmenta

Hillesheim, Ludwig

Antverpiæ, 1577

Nehemias.

[urn:nbn:de:hbz:466:1-68887](https://nbn-resolving.org/urn:nbn:de:hbz:466:1-68887)



*Quis scelerum furis populos & regna perire
Ambigat? & fontes noxia fata sequi?*

Cernitis

Cernitis Isacidum captas cum gentibus vrbes,
 Imperij totum deficientis opus.
 Nam meriti sors illa fuit, data regna manebant,
 Dum sancta pietas religionis erat.
 Aucta peregrino scelerum vesania luxu est,
 A supera meritis sæuiit arce furor.
 Sacrorum regni que decus Babylonius hostis
 Abstulit, & prædæ gens miseranda fuit.
 Vrbs Solymùm flamma, & sæuis populata ruinis
 Imperij facies fæda ruentis erat.
 Illa mihi, commune malum licet omnibus esset,
 Maior inexhausti caussa doloris erat.
 Orabam celo veniam, finemque malorum,
 Atque aderant lacrymis publica vota meis.
 Audiit illa Deus, regemque ex hoste benignum
 Reddidit, ut captis mitior ille foret.
 Illius imperio Solymorum mœnia rursum
 Condimus, & cinctum milite feruet opus.
 Desuper illabens cælo nos gratia firmat,
 Hostiles contra nil valere minæ.
 Mœnia iam stabant, leges induximus vrbi,
 Et præscos ritus, sanctaque iussa Dei.
 Sic iterum firmata nouo respublica cultu
 Floruit, atque Dea vindice tuta fuit.
 Exoriare aliquis qui iura regentia terras
 Nunc iterum iusta vindicet vnus ope;
 Vt decus antiquum laudato surgat ab æuo:
 Sic mæsti facies latior orbis erit.

Efdrx 2, &
 sequent.